

**Kalaallit Nunaanni eqqartuussisarnermik inatsimmi suliarinniffiusussat pillugit
aaqqissuussineq malillugu, tiggummigallagaanissamik naammassinninnissamut imaluunniit
eqqartuussummik Kalaallit Nunaanni eqqartuussivimmit imaluunniit Eqqartuussiviit
Qullersaanit eqqartuussutigineqartumik naammassinninnissamut atatillugu Danmarkimi
ulloq unnuarlu neqeroorutini najugaqarallarneq pillugu nalunaarut**

Inatsimmik allanngorneri ilanngullugit nalunaarutiginninneq nr. 1089 af 16. august 2023-imeersumi, inatsit nr. xx, xx-imeersaq [katiterlugu inatsisissatut siunnersuut], malillugu social service pillugu inatsimmi § 196, imm. 2 malillugu, aamma barnets lov pillugu inatsimmi nr. 721, 13. juni 2023-imeersumi, § 214, imm. 3, inatsimmi nr. xx-imi, xx-imeersumi § 3-kkut allanngortinneqartoq, aamma Kalaallit Nunaanni Namminersorlutik Oqartussat isumaqatigiinniarfigereerlugit, aalajangerneqarpoq:

*Kapitalii 1
Aalajangersakkat aallarnersaataasut*

§ 1. Innuttaasooq, Kalaallit Nunaanni najugaqartutut nalunaarsorneqarsimasooq, social service pillugu inatsit imaluunniit barnets lov pillugu inatsit malillugu neqeroorummi ulloq unnuarlu najugaqartussatut tulliuuttunut atatillugu inissinneqarpat, nalunaarut manna atorneqassaaq:

- 1) Kalaallit Nunaanni eqqartuussisarnermik inatsimmi suliarinniffiusussat pillugit aaqqissuussineq malillugu, tamanna pillugu Kalaallit Nunaanni eqqartuussivimmit imaluunniit Eqqartuussiviit Qullersaanit aalajangiisoqarsimatillugu, tiggummigallagaanissap naammassineqarnerani.
- 2) Kalaallit Nunaanni pinerluttulerinermi inatsimmi § 240, imm. 2 malillugu, Kalaallit Nunaanni isumaginnittoqarfik eqqartuussap neqeroorummi Danmarkimiittumi inissinneqarnissaa pillugu aalajangiisimatillugu, Kalaallit Nunaanni pinerluttulerinermi inatsimmi pineqaatissiinerit pillugit kapitali 33 malillugu Kalaallit Nunaanni eqqartuussivimmit imaluunniit Eqqartuussiviit Qullersaanit eqqartuussutip naammassineqarnerani.

Imm. 2. Nalunaarut atorneqarunnaassaaq ima pisoqartillugu:

- 1) Tigummigallagaaneq atorunnaarsinneqarpat.
- 2) Eqqartuussummik paaqqinniffimmi najugaqarnissaaq imaluunniit inissinneqarnissaaq pillugu aalajangiineq imaluunniit piumasaaq, inissiinermut tunngaviusooq, atorunnaarpat.
- 3) Neqeroorummi Kalaallit Nunaanniittumi inissiisoqarnissaaq pillugu Kalaallit Nunaanni oqartussaasooq aalajangiippat.

§ 2. Nalunaarut manna malillugu taamaallaat tulliuuttuni inissiisoqarsinnaavoq:

- 1) Social service pillugu inatsimmi § 108 malillugu neqeroorummi.
- 2) Ulloq unnuarlu paaqqinniffiit ilaatigut matoqqasut, ulloq unnuarlu paaqqinniffinni immikkoortortaqrifiit ilaatigut matoqqasut, ulloq unnuarlu paaqqinniffiit isumannaallisakkat aamma barnets lov pillugu inatsimmi § 43, imm. 3 malillugu immikkoortortaqrifiit immikkut ittumik isumannaallisakkat.

Imm. 2. Social service pillugu inatsimmi imaluunniit barnet lov pillugu inatsimmi malittarisassat malillugit neqeroorummi innuttaasooq sullinniakkat iluanniippat aamma isumaginninnermi nakkutilliivik neqeroorummik akuersissuteqarsimappat, innuttaasooq taamaallaat neqeroorummi inissinneqarsinnaavoq.

§ 3. Nalunaarut manna malillugu qallunaat kommunalbestyrelsianut pisussaaffiit, kommunalbestyrelsimut, § 4 malillugu innuttaasup neqeroorumi najugaqarnissaa pillugu Kalaallit Nunaanni oqartussaasumik isumaqatigiissuteqarsimasumut pisussaaffiupput, taamaattoq § 15, imm. 2 takuuk.

Imm. 2. Nalunaarut manna malillugu Kalaallit Nunaanni oqartussaasup pisussaaffii, Kalaallit Nunaanni oqartussaasumut, tigummigallagaanermut imaluunniit eqqartuussutip naammassineqarneranut akisussaasuusumut pisussaaffiupput.

Kapitali 2

Danmarkimi ulloq unnuarlu najugaqarnissamik pilersitsineq

§ 4. Innuttaasup neqeroorumi tiguneqarnissaa pillugu Kalaallit Nunaanni oqartussaasup qallunaat kommunalbestyrelsiat isumaqatigiissusiorfigissavaa. Isumaqatigiissut isumaqatigiissutigineqartinnagu neqeroorumi najugaqarallarneq aallartinneqarsinnaanngilaq, taamaattoq § 15, imm. 3 takuuk. Innuttaasup neqeroorumi kommunalbestyrelsip kommuneqarfigisaani tiguneqarnissaa, qallunaat kommunalbestyrelsiata taamaallaat isumaqatigiissusiarisinnaavaa.

Imm. 2. Imm. 1 malillugu isumaqatigiissut paasisutissanik tulliuttunik imaqassaaq:

1) Neqeroorut innuttaasup najugaqarfissaa.

2) Neqeroorumi najugaqarnerup saniatigut social service pillugu aamma barnets lov pillugu inatsisit malillugit ikiorsissuutit.

4) Najugaqarnerup sivilisussusia kiisalu Kalaallit Nunaannut uteqqinnissaaq.

5) Suleqatigiinnermut piumasaqaatit.

6) § 5 malillugu iliuusissanut pilersaarut, matumani siunissami iliuusissanut pilersaarutip allangortinneqarnissaanut ingerlatseriaaseq.

7) § 6 malillugu qallunaat kommunalbestyrelsiata inummut sammititamik nakkutilliinera aamma § 7 malillugu pinerlutsaaliuilluni nakkutilliinera.

8) § 9 malillugu nassuiaatit.

9) §§ 13 aamma 14 malillugit akiliineq, matumani piffissaaq naatsorsuiffiusoq pillugu isumaqatigiissuteqarneq aamma qallunaat kommunalbestyrelsiata nakkutilliinermut allaffissornermullu aningaasartuutaanut akiliineq.

Imm. 3. § 5 malillugu iliuusissanut pilersaarut pillugu Kalaallit Nunaanni oqartussaasup qallunaallu kommunalbestyrelsiata akornanni isumaqatigiittoqarpat, imm. 1 malillugu isumaqatigiissut taamaallaat isumaqatigiissutigineqarsinnaavoq. Pissutsit immikkut ittut tamanna pisariaqartippassuk, taamaattoq iliuusissanut pilersaartut pillugu isumaqatigiittoqarsimannginnera apeqqutaatinnagu, najugaqarallarnissaaq pillugu utaqqiisaagallartumik isumaqatigiissusiorqarsinnaavoq.

Imm. 4. Neqeroorut piviusoq, kommune, nunap ilaa pillugu oqartussaasoq imaluunniit neqeroorut ingerlatsisumit namminersortumit ingerlanneqartoq, qallunaat kommunalbestyrelsia isumaqatigiissusiorfigissavaa, taamaattoq imm. 15 takuuk.

Iliuusissanut pilersaarut

§ 5. Innuttaasup neqeroorumi suliniut tigusassaa pillugu, iliuusissanik pilersaarusiortoqassaaq.

Imm. 2. Social service pillugu inatsit aamma barnets lov pillugu inatsit malillugit innuttaasup neqeroorumi najugaqarallarnerni ikiorsissuutit sorliit tigusassagai, iliuusissanut pilersaarummi takuneqarsinnaassapput.

Imm. 3. Iliuissannut pilersaarummut missingiut qallunaat kommunalbestyrelsiata Kalaallit Nunaanni oqartussaasumut nassitissavaa. Qallunaat kommunalbestyrelsiat suleqatigalugu Kalaallit Nunaanni oqartussaasup iliuissannut pilersaarut naammassissavaa. Qallunaat kommunalbestyrelsiata Kalaallillu Nunaanni oqartussaasup akornanni isumaqatigiittoqarpat, iliuissannut pilersaarut aatsaat naammassineqarsimasutut isigineqalissaaq.

Kapitali 3
Neqeroorummi najugaqarallarnerup nalaani
Nakkutilliineq

§ 6. Innuttaasup neqeroorummi najugaqarallarnerata aallartinneraniit, qallunaat kommunalbestyrelsia inummut sammititamik innuttaasumut nakkutilliissaaq.

Imm. 2. Imm. 1 malillugu nakkutilliineq, social service pillugu inatsimmi § 148 imaluunniit barnets lov pillugu inatsimmi § 156 malillugu ingerlanneqassaaq.

§ 7. Innuttaasooq 18-it sinnerlugit ukiulik, eqqartuussut malillugu pinerlutsaaliuilluni nakkutilliivigineqassappat, tamanna isumaginnittoqarfimmi inatsisitigut isumannaatsuunissaq allaffissornerlu pillugit inatsimmi § 16 aamma taassuma malitsigisaanik malittarisassat atulersinneqartut malillugit, qallunaat kommunalbestyrelsiat tamanna ingerlanneqassaaq.

Nalunaarutiginninneq

§ 8. §§ 6 aamma 7 malillugit nakkutilliinermut atatillugu imaluunniit allakkut suliniutip allartinneqarsimasup siunertani naammassinngikkaa, kommunalbestyrelsip paasiguniuk, matumani eqqartuussut aalajangiinerluunniit malillugu, imaluunniit allakkut suliniutip innuttaasup pisariaqartitai imaluunniit eqqartuussut aalajangiinerluunniit naammassinngikkai tungavissaqartumik ilimagineqarpat, qallunaat kommunalbestyrelsiata Kalaallit Nunaanni oqartussaasut nalunaaruteqarfigissavai.

Nassuiaat

§ 9. Innuttaasooq pillugu qallunaat kommunalbestyrelsiat ukiumut ataasiarluni nassuiaammik Kalaallit Nunaanni oqartussamut tunniussisassaaq, taamaattoq imm. 2 aamma imm. 4 takukkit.

Imm. 2. Meeqqat 18-ini inorlugit ukiullit pillugit nassuiaat, ukiup affakkuutaarlugu tunniunneqartassaaq, taamaattoq imm. 4 takuuk.

Imm. 3. Imm. 1 imaluunniit 2 malillugu nassuiaaneq, innuttaasooq pillugu pissutsit pillugit paasissutissanik, matumani tassani allannguutit, suliniut, ikiorsiissutit innuttaasut pisartagai, kiisalu §§ 6 aamma 7 malillugit qallunaat kommunalbestyrelsiata nakkutilliinera ilanngullugit, imaqassaaq.

Imm. 4. Imm. 1-imi 2-milu taaneqartunit akulikinnerusumik nassuiaatinik tunniussisoqartarnissaa, § 4 malillugu isumaqatigiissummi aalajangerneqarsinnaavoq.

Pissaanermik atuineq il.il.

§ 10. Social service pillugu inatsimmi immikkoortoq VII aamma voksenansvar pillugu inatsit, taakkulu malitsigisaannik malittarisassani atulersinneqartut malillugit, taamaallaat innuttaasumut pissaanermik atuisoqarsinnaavoq imaluunniit nammeneq aalajangiisnaatitaanerani akuliunnernik allanik akuliuttoqarsinnaavoq.

Imm. 2. Pissaanermik atuineq pillugu aalajangiineq aamma social service pillugu inatsimmi § 135 malillugu nalunaarsuinerit tiguneqarsimasut pillugit qallunaat kommunalbestyrelsiat piaarnerpaamik Kalaallit Nunaanni oqartussaasunut ilisimatitsissaaq.

Suliniuummi allannguinerit

§ 11. Qallunaat kommunalbestyrelsiat isumaqatigiissuteqarfigalugu Kalaallit Nunaanni oqartussaasut innuttaasumut suliniutip allanngortinneqarnera pillugu aalajangiisinnaapput, matumani neqeroorummi ikiorsiissutit innuttaasup tigusartagaasa allanngortinneqarneri ilanngullugit. § 5 malillugu iliuusissanut pilersaarummi allannguutit naapertuutinnippata, nutaamik iliuusissanik pilersaarusiortoqartinnagu, allannguutit aallartinneqarsinnaanngillat. Pissutsit immikkut ittut tamanna pisariaqartippassuk, taamaattoq nutaamik iliuusissanut pilersaarusiortoqartinnagu, allannguutit aallartinneqarsinnaapput.

Imm. 2. Imm. 1 malillugu aalajangiineq, Kalaallit Nunaanni inatsisiliorneq malillugu aalajangerneqassaaq. Taamaattoq social service pillugu inatsimmi imaluunniit barnets lov pillugu inatsimmi ikiorsiissutit neqeroortigineqanngitsut pillugit aalajangiisoqarsinnaanngilaq.

Imm. 3. Kalaallit Nunaanni oqartussaasoq sinnerlugu innuttaasup neqeroorummi najugaqarallarnera pillugu qallunaat kommunalbestyrelsia aalajangiisinnaasoq, § 4 malillugu isumaqatigiisummi aalajangerneqarsinnaavoq. Oqaaseqatigiit siulliit malillugit aalajangiineq social service pillugu inatsit imaluunniit barnets lov pillugu inatsit malillugu aalajangerneqassaaq.

§ 12. Innuttaasup isumannaatsuunissaanut imaluunniit peqqissusaanut navianartoqarpat, innuttaasup massakkorpiaq tapersersorneqarnissamik pisariaqartitsineranut pingaaruteqarluinnarpat, imaluunniit eqqartuussutip inernerata imaluunniit eqqartuussutip naammassineqarnissaanut tamanna pingaaruteqarluinnarpat, qallunaat kommunalbestyrelsiata suliniutip allanngortinneqarnissaa pillugu utaqqiisaagallartumik aalajangiisinnaavoq. Utaqqiisaagallartumik aalajangiineq social service pillugu inatsit imaluunniit barnets lov pillugu inatsit malillugu aalajangerneqassaaq.

Imm. 2. Taamaattoq Kalaallit Nunaanni oqartussaasup § 11 malillugu aalajangiisinnaanera siunertaralugu qallunaat kommunalbestyrelsiata pisariaqanngitsumik utaqqititseqqaarani imm. 1 malillugu utaqqiisaagallartumik aalajangiisimaneq pillugu Kalaallit Nunaanni oqartussaasoq nalunaarfigissavaa.

Imm. 3. Imm. 1 malillugu utaqqiisaagallartumik aalajangiineq, Kalaallit Nunaanni oqartussaasup § 11 malillugu aalajangiinissaata tungaanut, imaluunniit innuttaasup neqeroorummi najugaqarallarnerata atorunnaarsinneqarnissaata tungaanut, atuutissaaq.

Imm. 4. Imm. 1-imi aalajangersarneqartuni annertunerusumik qallunaat kommunalbestyrelsiat utaqqiisaagallartunik aalajangiisinnaasoq, § 4 malillugu isumaqatigiisummi aalajangerneqarsinnaavoq.

Kapitali 4 Akiliineq

§ 13. Innuttaasup neqeroorummi najugaqarallarneranut aningaasartuutit aamma innuttaasumut suliniutaasinnaasut allat, qallunaat kommunalbestyrelsiata neqeroorummut akilissavai.

Imm. 2. Innuttaasup neqeroorummi najugaqarallarneranut aningaasartuutit aamma innuttaasumut suliniutaasinnaasut allat, § 4 malillugu isumaqatigiisut aamma § 5 malillugu iliuusissanut pilersaarut naapertorlugit, Kalaallit Nunaanni oqartussaasup inaarutaasumik akilissavai. Aningaasartuutit qallunaat kommunalbestyrelsianit naatsorsorneqassapput akileqquneqassallutillu.

Imm. 3. Neqeroorummi innuttaasup najugaqarallarnernut aamma social service pillugu inatsit aamma barnets lov pillugu inatsit malillugit ikiorsiissutaasinnaasut allat, tassaapput qallunaat kommunalbestyrelsiata aningaasartuutai piviusuiusut.

Imm. 4. § 11, imm. 3 malillugu qallunaat kommunalbestyrelsiata suliniutip allanngortinneqarnera pillugu aalajangiiffigisimasaa, Kalaallit Nunaanni oqartussaasup akilissallugu pisussaaffigaa.

Imm. 5. § 12 malillugu qallunaat kommunalbestyrelsiata suliniutip allanngortinneqarnera pillugu aalajangiiffigisimasaa, Kalaallit Nunaanni oqartussaasup akilissallugu pisussaaffigaa.

Imm. 6. Social service pillugu inatsit aamma taassuma malitsigisaanik malittarisassat malillugit innuttaasumit nammineq akiliut qallunaat kommunalbestyrelsiata aalajangiiffigissavaa aamma akileqqussavaa.

§ 14. Qallunaat kommunalbestyrelsiata nakkutilliinermut allaffissornermullu aningaasartuutai Kalaallit Oqartussaasuata akilissavai. § 4 malillugu isumaqatigiissut malillugu aningaasartuutit naatsorsorneqassapput.

Kapitali 5

Inunnut annertuumik tarnikkut innarluutilinnut immikkoortumi isumannaallisakkami tigummigallagaanissaq imaluunniit inissinneqarnissamik eqqartuunneqarneq pillugu aalajangiineq

§ 15. Innuttaasut nalunaarummi matumani ilaatinneqartut, inissinneqarnissamik eqqartuussut imaluunniit tigummigallagaanissamik aalajangiineq malillugu inunnut annertuumik tarnikkut innarluutilinnut immikkoortumi isumannaallisakkami inissinneqartussat, najugaqatigiiffimmi isumannaallisakkami Kofoedsmindemi inissinneqassapput.

Imm. 2. Innuttaasunut imm. 1-imi ilaatinneqartunut, nalunaarut manna malillugu pisussaaffiit, Lolland Kommunimi kommunalbestyrelsimit pisussaaffiupput.

Imm. 3. Imm. 1 malillugu najugaqatigiiffimmi isumannaallisakkami Kofoedsmindemi najugaqarallarnernup aallartinneqarnera, § 4 malillugu isumaqatigiissutip isumaqatigiissutigineqarsimanissaanik piumasaqaatitaqanngilaq, kisianni najugaqarallarnissap aallartinnginnerani sapinngisamik isumaqatigiissutip isumaqatigiissutigineqarnissaa isumaqatigiissutiginiarneqassaaq aamma taamaangippat piaarnerpaamik tamatuma kingorna pissalluni.

Imm. 4. Najugaqarallarnissap aallartinnginnerani isumaqatigiissuteqartoqarsimangippat, isumaqatigiittoqarnissaata tungaanut Lollandip Kommuniata neqeroorummi najugaqarallarnernut, § 16, imm. 4 malillugu ikiorsissutinut pisariaqartinneqartunut, nakkutilliinernut allaffissornermullu aningaasartuutigisimasai piviusut, Kalaallit Nunaanni oqartussaasup akilissallugit pisussaaffigai.

Najugaqarallarnermi ikiorsiissutit

§ 16. Innuttaasoq § 15, imm. 1-imi ilaatinneqartoq, social service pillugu inatsimmi § 108 malillugu najugaqatigiiffimmi isumannaallisakkami Kofoedsmindemi ulloq unnuarlu najugaqarallarnermi saniatigut, social service pillugu inatsit malillugu ikiorsiissutinik pisariaqartitsippat, § 4 malillugu Kalaallit Nunaanni oqartussaasoq Lolland Kommunimi kommunalbestyrelsimik tamanna pillugu isumaqatigiissusiussaaq.

Imm. 2. Neqeroorummi najugaqarallarnernup saniatigut ikiorsiissutinik akuersineq Kalaallit Nunaanni inatsisiliorneq malillugu Kalaallit Nunaanni oqartussaasumit akuersissutigineqassaaq. Taamaattoq social service pillugu inatsimmi ikiorsiissutit neqeroorutigineqanngitsut pillugit aalajangiisoqarsinnaanngilaq.

Imm. 3. Tamanna pillugu § 4 malillugu isumaqatigiissusiortoqareerpat aatsaat, innuttaasup ikiorsiissut pisinnaavaa, taamaattoq imm. 4 takuuk.

Imm. 4. Tamanna pillugu isumaqatigiissusiortoqarsimannginnera apeqquataatinnagu, innuttaasup najugaqatigiiffimmi isumannaallisakkami Kofoedsmindemi najugaqarallarsinnaanissaanut ikiorsiissut pisariaqartinneqartoq, isumannaatsuunissaanut imaluunniit peqqissusaanut navianartoqarpat, imaluunniit innuttaasup massakkorpiaq tapersorneqarnissamik pisariaqartitsineranut tamanna pingaaruteqarluinnartoq kommunalbestyrelsip nalilerpagu, innuttaasoq ikiorsiissutinik pissasoq, Lollandip Kommuniani kommunalbestyrelse utaqqiisaagallartumik aalajangiisinnaavoq.

Imm. 5. Najugaqatigiiffimmi isumannaallisakkami Kofoedsmindemi najugaqarallannerup saniatigut, §§ 5-imiit 14 ilanngullugu aalajangersakkat ikiorsiissutinut taamatuttaaq atuupput.

Kapitali 10

Kalaallit Nunaanni oqartussaasut qallunaallu kommuniata akornanni isumaqatigiinnginneq

§ 17. Nalunaarut manna malillugu pisussaaffiit pillugit Kalaallit Nunaanni oqartussaasut qallunaallu kommuniata akornanni isumaqatigiinnginneq, social service pillugu inatsimmi § 196, imm. 3 aamma barnets lov pillugu inatsimmi § 241, imm. 4 malillugit Ankestyrelsen-imit aalajangiiffigineqassaaq.

Kapitali 12

Atuutilerfissaa- aamma ikaarsaariarneq pillugu aalajangersakkat

§ 18. Nalunaarut ulloq 1. april 2024 atuutilissaaq.

§ 19. Inunnut, nalunaarutip atuutilerfiani Danmarkimi neqeroorummi najugaqarallartunut, nalunaarut piffissamit atuutilerfimminit atuutilissaaq, taamaattoq taamaalilluni nalunaarummi § 4 malillugu isumaqatigiissut kingusinnerpaamik 1. oktober 2024 isumaqatigiissutigineqarsimassalluni. Isumaqatigiissutip isumaqatigiissutigineqarnissaata tungaanut piffissami, § 12 malillugu ikiorsiissutit pisariaqartinneqartut, aamma § 16, imm. 2 malillugu nakkutilliinernut allaffissornermullu qallunaat kommunalbestyrelsiata neqeroorummut aningaasartuutigisimasai piviusut, Kalaallit Nunaanni oqartussaasup akilissallugit pisussaaffigai.

Social-, Bolig- og Ældreministereqarfik, ulloq xx
Pernille Rosenkrantz-Theil